


AKXNI IKCHIL IXMIQUILPAN

Autor y dibujante
Armando Rodríguez San Juan



Akxni Kchilh Ixmiquilpan

Autor:
Armando Rodríguez

La'atam wilchan, Domingo,
pumatam linguista ikt'atamakaul li wa las
cinco aktaxtuniyaw an aniy kila'acha'an
junkan Pisa Flores para ak'aucha an
la'acha'an tan junkan Ixmiquilpan.

Wa chuncha ka'ikltatajtamal. Ijkujlhi
las cinco en puntojcha. Las ik'ostayal.
Ikxa'a'il an kinmochila wakcha ikmil
centro.


Wal kla'ts'in, sa' junital. Xlhi'astan
wak iktajumil an laka cha'a' tan ixtatamaka-
junta an yu kxat'a'al. Ikcha'alcha,
ikchiwinicha. Iklasakminincha lisna a'alcha
yu akxjat'a'al Ixmiquilpan. Kintajunil li ma
chun. Xlhi'astan wakcha ijk'ancho'ol
kincha'a'. Ka ikltatapal.

Wa chuncha, pants'ikis wal, kimaku-jukan tan kijunkan li ma kinchiwijklaka'an-yan. Pus las ik'ostayal. Ikwak'al an laka telefono. KIhasakminin lisna sawalhi li kinchiwijklakaminikan. Kintajunil li ma chun.

Pus pantsik'is wal, makat'ajuncha an telefono. Kijunilcha an atenderlay telefono li ma kit'incha kixa'alapalkan. Pus xlhi'astan kinpasarlanilch. Wal k'altajicha an yu kinchiwijklaka'ani. Kijunil lisna ma siempre akjat'a'ana'. Li ma chun, pus ma ak'alcha. Ma akintapakx'antachalcha tan junkan Ixmiquilpan. Pus ikjajunilcha li chun, akintapakxanchalcha an ancha la'acha'an.

Pus wachuncha, las oncecha wal, iktaxtunil an kila'acha'an Pisa Flores. Wakcha ik'al. Ikcha'alcha La Uno, chi ikmaxtulcha kinboleto yu an Tulancingo. De ancha ikmaxtupal kinboleto yu an Pachuca. De ancha an Pachuca ikmaxtupal kinboleto yu wakcha an Ixmiquilpan. De ancha taxtunilcha an autobus. Wakcha kilhi'al.

De ancha tan iklaklakpus'a laktsiktsi la'acha'an. Nak lakjalhik'usi, chi klakp'uslhi tan najunta alberca infantil. Ancha wil xtamp'in a'stitauk'a. Chi an x'akpuxni an a'stitauk'a, ma ch'akantachal la'atam esbaladilla tan tajumachilcha an laka alberca yu xtamp'in wil an a'stitauk'a. Na k'usi tasuy, wa xlhiyu an a'stitauk'a wa jats'in mak'ach'ankanta.




Axkni kcha'alhcha an la'ach'an yu junkan Ixmiquilpan, la'atam la'acha'an tan tu a'tam iktachatatalh. Tan tu xk'ats'ay lisna existirnin an la'acha'an yu junkan Ixmiquilpan.

Yu an autobus ikxpu'antalh wa xch'axpa' an carretera s'a'tawilh.

Wal kjala'ts'in tata'altajuycha an pasajeros. Kit'in tu knajuni akta'altajulh. Wa chuncha an autobus jaltananch'o'lcha, pero akxni kla'ts'in ta'en ax'awicho'lcha. De ancha klhisakmilh an chofer lisna Ixmiquilpancha ikt'ajun. Kijunil li ma chun. Chi iklhisakmil lisna jantu kati'ah stá central de autobuses. Kijunilh li ma jantu. De ancha ikjunilh li kta'altajuyacha, pus sa'ulal. Ikta'altajulcha.

De ancha wakcha iktama'astal, wal klakts'in minta taxi. Ik'iltunil parada. Sa'tawil. Iklhisakmil li lay akilhi'al tan junkan Centro Linguistico. De ancha an taxista kijunilh ma ntu k'atsay tanchuncha junkan. Pus de ancha wak iktama'ast'apal, se' ik-tawil laka la'atam banqueta. De ancha ikla'ts'in kila'anco'otachal an taxista. Kijunil: --Aaa, ijk'atsalcha an t'an unij, ancha stak tawilanalh gringos.



Ikjunil: --Ka chun.

**De ancha kijunil: --K'at'a'ut'icha,
aklhi'anancha.**

**De ancha iktajul. Wakcha kilhi'al.
Wal sawal ikcha'awcha tanchuncha junkan
Centro Linguistico.**

**La'atam lakats'iktsi la'acha'an tan
tawilanai, yu tipalhuw chiwinti ta lhis-
tudiarnan. an lakats'iktsi la'acha'an na k'usi.
La'alhuw cha'a lakyal. Chi tipalhuw xanti
alin. Chi laj'ay k'iw lakyal. chi ali'incha
tso'on tat'ajun.**

